



12 Gorffennaf 2021

Annwyl gwsmer,

Rydym wedi bod yn ysgrifennu atoch yn rheolaidd ers diwedd y cyfnod pontio ar 31 Rhagfyr, i roi gwybod am y newidiadau o ran prynu nwyddau o, a gwerthu nwyddau i, wledydd yn yr Undeb Ewropeaidd (yr UE).

Mae angen datganiad tollau ar yr holl fewnforion ac allforion rhwng Prydain Fawr a'r UE. Hefyd, efallai y bydd yn rhaid i chi dalu toll dramor a pharhau i dalu trethi eraill megis TAW mewnforio. Roedd ein llythyr diwethaf yn esbonio y gallech ohirio'ch datganiadau mewnforio am hyd at 175 diwrnod, mewn llawer o achosion os oeddech am wneud hynny, ynghyd â'r broses o sut i fynd ati.

Rydym yn ysgrifennu atoch nawr i'ch atgoffa o sut i wneud datganiadau tollau ar gyfer allforion a mewnforion, ac i **roi amserlen i chi** i'ch helpu i baratoi ar gyfer rheolaethau tollau llawn a fydd ar waith ar 1 Ionawr 2022.

Datganiadau Tollau ar gyfer allforion a mewnforion – nodyn i'ch atgoffa o'r hyn y mae angen i chi ei wneud

Mae'r rhan fwyaf o bobl yn defnyddio cyfryngwr fel asiant tollau i ddelio â'u datganiadau. Os oes gennych gyfryngwr, neu os gwnaethoch ddefnyddio gwasanaeth fel cludwr neu drefnydd anfon nwyddau i symud eich nwyddau, dylech fod wedi cytuno ag ef pwy fydd yn gwneud y datganiad.

Os ydych yn Allforiwr, mae angen i chi ddilyn yr un broses ar gyfer allforio unrhyw nwyddau i'r UE ag yr ydych yn ei dilyn ar gyfer allforio i weddill y byd. Mae hyn yn cynnwys gwneud datganiadau allforio wrth i chi allforio'ch nwyddau. Gallwch ddod o hyd i ragor o wybodaeth yn www.gov.uk/export-goods

Os ydych yn Fewnforiwr nwyddau o dan reolaeth fel alcohol neu dybaco, mae angen i chi ddilyn yr un broses sydd ar waith ar gyfer nwyddau sy'n dod i mewn o weddill y byd, a gwneud datganiad mewnforio llawn ar unwaith pan fyddwch yn mewnforio'ch nwyddau. I gael rhagor o wybodaeth am hyn, ewch i www.gov.uk/import-goods-into-uk

Os nad ydych yn siŵr a yw'ch nwyddau'n cael eu hystyried yn rhai 'o dan reolaeth', gallwch ddod o hyd i'r ateb yn www.gov.uk/hmrc/controlled-goods-gb

Os ydych yn Fewnforiwr nwyddau nad ydynt o dan reolaeth, mae dau ddewis gennych o ran nwyddau y dewch â nhw i mewn i Brydain Fawr o'r UE yn ystod 2021. Gallwch naill ai wneud datganiad tollau llawn wrth i'r nwyddau gyrraedd Prydain Fawr neu gallwch ohirio'ch datganiad am hyd at 175 diwrnod. I gael rhagor o wybodaeth, ewch i www.gov.uk/hmrc/delay-declaring-eu-goods

Os dewisoch ohirio, byddwch chi neu bydd yr arbenigwr tollau a huriwyd gennych i weithredu ar eich rhan, fel asiant tollau neu drefnydd anfon nwyddau, wedi cadw cofnodion manwl (a elwir yn Gofnod yng Nghofnodion y Datganwr neu EIDR) wrth i chi fewnforio nwyddau, a bydd angen i chi (neu'r arbenigwr tollau) hefyd wneud datganiad atodol cyn pen 175 diwrnod i'r dyddiad y cyrhaeddodd eich nwyddau Brydain Fawr.

Os ydych wedi penderfynu gohirio'ch datganiadau, mae'n bwysig eich bod yn:

- Cadw cofnod cywir o'r hyn rydych yn ei fewnforio yn www.gov.uk/hmrc/self-declare-eu-goods bob tro mae'ch nwyddau'n cyrraedd Prydain Fawr, gan gynnwys y dyddiad ac amser mewnforio, disgrifiad ysgrifenedig o'r nwyddau a'r cod nwyddau cysylltiedig. Gelwir hyn yn gofnod yng nghofnodion y datganwr ac mae'n ofniad cyfreithiol. Hefyd, bydd angen yr wybodaeth hon arnoch i wneud eich datganiad atodol, ewch i www.gov.uk/hmrc/self-declare-eu-goods i gael gwybod rhagor

- Anfon eich datganiad atodol i CThEM cyn pen 175 diwrnod i'r dyddiad y gwnaeth y nwyddau gyrraedd Prydain Fawr. Er enghraifft, os gwnaethoch fewnforio nwyddau ar 1 Chwefror 2021, bydd yn rhaid i chi fod wedi cyflwyno'ch datganiad atodol erbyn 26 Gorffennaf 2021. Os gwnaethoch fewnforio unrhyw beth ym mis Ionawr ac nad ydych wedi gwneud eich datganiad gohiriedig eto, ewch i www.gov.uk/hmrc/prepare-supplementary-declaration i gael rhagor o wybodaeth am yr hyn y mae angen i chi ei wneud
- Os ydych yn Fewnforiwr sydd wedi'i gofrestru ar gyfer TAW, a'ch bod yn gohirio'ch datganiadau neu'n defnyddio datganiad tollau symlach i wneud datganiad yn eich cofnodion eich hun, mae'n rhaid i chi ddefnyddio'r dull Cyfrifyddu TAW Gohiriedig (PVA) www.gov.uk/hmrc/account-for-import-vat Os byddwch yn gohirio'ch datganiad, bydd angen i chi amcangyfrif swm y TAW mewnforio i roi cyfrif amdani ar y Ffurflen TAW, sy'n cwmpasu'r dyddiad y gwnaethoch fewnforio'r nwyddau. Ar ôl i chi wneud eich datganiad gohiriedig, gallwch addasu'r amcangyfrif ar eich Ffurflen TAW nesaf. Os nad ydych wedi cofrestru ar gyfer TAW, mae'n rhaid i chi dalu'r TAW mewnforio ar eich cyfrif gohirio tollau wrth i chi wneud eich datganiad atodol. Mae rhagor o wybodaeth am sut i wneud hyn ar gael yn www.gov.uk/hmrc/delayed-declaration-import-vat

Os canfyddir eich bod heb gydymffurfio, a hynny'n fwriadol, gallech golli'r opsiwn o ohirio datganiadau yn y dyfodol a bydd yn rhaid i chi ddatgan nwyddau wrth i chi eu mewnforio. Gallwn hefyd gymryd camau a all gynnwys cosbau ariannol. Rydym yn gwybod bod llawer o newidiadau i'w hystyried, felly ffoniwch ni os ydych yn meddwl na fyddwch yn gallu gwneud datganiadau tollau mewn pryd.

Os yw'ch busnes yn symud nwyddau i mewn i Ogledd Iwerddon, allan o'r wlad honno neu drwy'r wlad honno

Dylech ystyried defnyddio'r Gwasanaeth Cymorth i Fasnachwyr sy'n rhad ac am ddim i'ch helpu i symud eich nwyddau. Mae'n gallu llenwi datganiadau tollau a datganiadau diogelwch ar eich rhan pan fo angen y rhain ar gyfer symud nwyddau rhwng Prydain Fawr a Gogledd Iwerddon, fel nad oes rhaid i chi gael mynediad at systemau CThEM yn uniongyrchol. Cewch ragor o wybodaeth a chofrestru yn www.gov.uk/guidance/trader-support-service

Gallwch hefyd ddefnyddio ein hofferyn ar-lein newydd yn www.gov.uk/check-tariff-goods-ni-from-gb i wirio a oes angen i chi dalu tariff ar nwyddau sy'n cael eu cludo i mewn i Ogledd Iwerddon o Brydain Fawr.

Ble i ddod o hyd i help a chymorth ynghylch mewnforio ac allforio

Rydym yn gwybod ei bod yn cymryd amser i fusnesau yn y DU ddod i'r arfer â'r newidiadau yn sgil gadael yr UE. Os oes angen help arnoch, defnyddiwch y cymorth sydd ar gael gennym.

I weld y cymorth sydd ar gael ar-lein, gan gynnwys ein gweminarau byw a'n fideos YouTube, ewch i www.gov.uk/guidance/help-and-support-for-uk-transition

Mae ein hymgyngorwyr gwasanaeth i gwsmeriaid hefyd ar gael i ateb eich cwestiynau ar y llinell gymorth Tollau a Masnach Ryngwladol. Byddant yn eich helpu ynghylch mewnforio, allforio a rhyddhad tollau. Mae'r llinell gymorth ar gael rhwng 8am a 10pm o ddydd Llun i ddydd Gwener a rhwng 8am a 4pm ar y penwythnos. Ffoniwch i siarad ag ymgyngorydd ar 0300 322 9434.

Y camau nesaf

Rydym yn gobeithio bod y llythyr hwn wedi bod o gymorth i chi. Rydym yn gwybod pa mor heriol yw dod i arfer â chymaint o newidiadau, ac rydym yn gwerthfawrogi faint rydych wedi'i wneud eisoes.

Rydym yma i'ch helpu i addasu i'r newidiadau, a byddwn yn ysgrifennu atoch eto yn yr hydref i'ch helpu i baratoi ar gyfer y newidiadau a amlinellir yn yr amserlen sydd wedi'i chynnwys gyda'r llythyr hwn.

Yn gywir



Katherine Green a Sophie Dean

Cyfarwyddwyr Cyffredinol, Ffiniau a Masnachu, CThEM